



26. januar 2017

Inatsisartut Suleriaasianni § 37 naapertorlugu Naalakkersuisunut apeqputit imaattut matumuuna saqqummiuppakka:

Naalakkersuisunut apeqputit kilisaatini hash pillugu:

- 1. Suut sakkut pingaarnerit suliniutillu Naalakkersuisut suliniutiginiarpaat hashimik eqqussuineq pinngitsoortinniarlugu?**
- 2. Naalakkersuisut nalunnginnerlugu hashi qanoq iliorluni eqqussuunneqartarnersoq aamma sunik pilersaaruteqartoqarpa anngiortumik eqqussuineq pinngitsoortinniarlugu.'**
- 3. Naalakkersuisut isumaqarnerlutik, hashi taamaallaat imaatigut eqqussuunneqartartoq?**
- 4. Oqartussaaffiit qanoq akulikitsigisumik nakkutigisarpaat kilisaatini umiarsualiviutitsinnut tulattuni hasheqarnersoq aamma qanoq akulikitsigisumik hashimik nassaartoqartarpa?**
- 5. Suna pissutaava Naalakkersuisut Polar Nanoq aqqutigalugu tigussaasumik hashimik anngiortumik eqqusseriaraluarneq peqqammersoq pillugu oqaaseqarusunnignerannut?**
- 6. Naalakkersuisut suut iluaqutissat takusinnaavaat Naalakkersuisut hashimik anngiortumik eqqusseriaraluarneq tusagassiutinut oqaaseqarfigierusunngimmassuk?**
- 7. Naalakkersuisut oqaatigisinnaanerlugu suliamut tunngatillugu suut soqutiginaateqarnersut?**

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut:

Alianaqisumik islandimiup niviarsissaq Birna Brjãnsdóttir inuarterineqarneqanut atatillugu, kilisaatip Polar Nanoq-p misissuiffigineqarneranit hashi 20 kilo missaa nassaarineqarpoq, Kalaallit Nunaannut anngiortumik eqquteriagassaq tuniniaanissaq siunertaralugu.

20 kilo hash nunatsinni 10 millioner koruunit sinnerlugit naleqarpoq. Allatut oqaatigalugu hashi annerutuvoq naleqaqalunilu.

Aalisarnermut Piniarnermullu Naalakkersuisoq tamatumunnga atatillugu kukkulluinnarluni siunnersuutigaa kilisaataatillit pillarneqarsinnaasariaqartut pisassiissutinik/akuersissutinik arsaarlugit kilisaatit hashimik anngiortumik eqqussuinnermut atorneqarsimappata. Taamatut



siunnersuuteqarneq atorsinnaangilaq nunami demokratiskiusumi inatsisillu tunngavigalugit naalakkersorneqartumi.

Demokraatini isumaqarpugut anngiortumik hashimik eqqussuineq suna tamaat atorlugu akiorneqartariaqartoq. Hash pisooqataalluinnarpoq ilaqutariippassuit aserorneqartarnerannut avissaartarnerannullu. Inuiaqatigiinni tamanna toqqissisimanarineqangilaq. Hashimik eqqussuineq tuniniaanerlu inerteqquataapput aamma taamaattumik inuiaqatigiit pisussaapput pisarialinnik iliuuseqarnissaminnut tamanna pinngitsoortinniarlugu.

Kisianni sakkut torersuusariaqarput. Sakkut, inuiaqatigiinnut inatsisit tunngavigalugit aqunneqartunut tulluuttut.

Aallaqqaataani sukumiisumik misissortariaqarparput qanoq iliornikkut hashi nunatsinnu apuunneqartarnersoq pinaveersaartitsillaqqinnerulerniassagatta hashimillu eqqussuineq pinngitsoortissinnaaniassagatsigu. Ajornartorsiut eqqartortariaqarparput uanilu iluaqutaangilaq, Naalakkersuisuni ilaasortat arlallit pisortatigoortumik oqaaseqarumanginnerat. Akisussaaffimmik qimarratiginninneruvoq aamma ajoraluartumik takutiinnarneqarpoq Naalakkersuisuni ilaasortat suli paasisimangikkaat, qanoq akisussaaffeqartigalutik.

Apeqqutit akeqquakka ullut suliffiit naliginnaasut qulit iluanni.